



## Qanuq titiraqtauvaktut talvani Ilagiingnik Ikayuutinut?

Apiqhuiyinit pitquyauhimaguvit angiqatigiikkuffiluuniit nutaqqanut ilingnutluuniit ikayuutinut, titiraqtaunginnarialik talvani Ilagiingnut Ikayuutinut. Titiraqtauyaami, titiraqtaghatit taapkua titiqqat aullaqtillugulu talvunga Ilagiingnut Ikayuqtit havaktiinit talvani Titiraqvianit Iqalungni.

Nutaatqiyaniik naunaitkutaqaqtughat akiliqtimit. Akiliqtauvalliruvit taja tatqiqhiut tamaat, titiraqlugit akiliqhiqtaaqtatit uplumimut.

Apiqhuiyinit pitquhimaguffi angiqatigiikkuffilu titiraqtautaqqat talvani Ilagiingnut Ikayuutinut, uuktuqniaqqugut akighatit pinahuaqlugit akiliqhiyughamit ilingnut tuninahuaqlugit. Akighatit piyaunginnalaittut ilaani ayuqhautiqaramik kiinauyaqtaqniqmik akiliqtuiyughamit.

## Qanuriliniaqtut titiraqtauguma?

Titiraqtauguvit talvani Ilagiingnut Ikayuqtinut tamangnik akiliqtaghat ikayuutit tuniyauyughat talvunga Titiraqvianut. Taimaa akiliqtaulaittutit akiliqtuiyughamit. Akighat titiraqtauniaqtut Ikayuqtit havaktiinit talvanngat ilingnut tuyuqtauniaqtut.

Taapkua Ilagiingnut Ikayuqtit Havakviat talvaniittuq ikayuqtighat akighanit. Ikayuqtit Havakviat nalunngitkumik akiliqtuiyup havakvianik, akiliqtauvangniaqtutit nutqaqhimaittumik.

## Nuutkumattaq?

Nuutkuvit aallamut aviktuqhimayumut, nunamullu akiliqhivaktughayutit huli. Taamna pitquyauhimaguvit apiqhuiyinit nuutitaulaaqtuq talvunga nunangnut aghuuqtaulunilu ahinit ataniqtuqtauyunit Kanatami. Aullaruvit titiraqtauvaktut nunallaanit imaalu akiliqhiruvit, taapkua Ilagiingnut Ikayuqtit havaktiit qinirahuaqniaqqut ilingnik.

## Qanuq ikayulaaqtunga Ilagiingnut Ikayuqtinut akighatka pinahuaqhugit?

Ilagiingnut Ikayuqtit havaktiit ikayurumayut akighatit pinahuaqlugit kihimi ikayuqtaghatitlu. Naunaitkutit ikayuutitlu akiliqtuiyup titiraqtauvianik, nani havaktuq, kiinauyaqtaqvianit, nanminiqarumi hunanutlu kiinauyaqtaqvianik ikayuutauniaqtut akighatit pinahuaqhugit. (Naunaitkutainik akiliqtuiyup tuniyaghatit talvunga Ikayuqtit Titiraqvianut taimaa akighatit pinahuaqniaqqait.) Aghuuqniaqqugut akighatit pinahuaqlugit akiliqtuiyughamit. Kihimi akiliqtauyaami ilaani ayuqnaqpaqtuq.

## Uqauhiit titirauhiitlu atuqtauvaktut:

### Family Support Program

Hapkua ikayuutit taiyauvakhimayut Aulapkinikkut Ikayuutit. Atia aallannguqtaupluni, havauhiit aulayuittut. Hapkua aullaqtitauhimaguvit Ilagiingnut Ikayuutit taimaa nutaqqanut aippanullu ikayuutighatit akiliqtauvaktughat. Hapkua titiraqviat talvani ittuq Ilagiingnut Ikayuqtit Titiraqviat Apiqhuiyit Ikluqpaanit (Arnakallak Building) Iqalungni. Atauhiq ikayuqpauhiat aulayuittuq hapkua titiraqviat katitirivaktut kiinauyaghaqnik (akiliqtauyughaq).

### Family Support/ Maintenance

Ilagiingnut ikayuqtighat nuivaktut nuliariik avittaraangamik, nutaraqatigiikkumiklu. Ikayuqtaulaaqtutit ilvit nutaratillu:

- Apiqhuiyit angayuqqaanut pitquhimagumik akiliqhiyariaqqaqt ilingnut nutarainutlu. Katuhiqhiqhimaguffi katimahimaguffilu aippaalu angayuqqaap
- Pitquyauhimagumi apiqhuiyinit aipparaluavit akiliqtuqhimagumi ilingnut. Taamna taiyauvaktuq aippaqnik ikayuqtuiniqmik.
- Angiqatigiighimaguffi aippaalu angayuqqaap/aipparalutit taimaa akiliqtuivangniaqtuq ikayuutighanik ilingnut.

### Akiliqtuiyuq:

Una akiliqtuivaktuq ikayuutinik. Pitquyauhimaguvit akiliqtuiniqmik nutaqqanut aippaqnutluuniit, taimaa akiliqtuiyutit.

### Akiliqtauyyuq:

Una akiliqtauvaktuq ikayuutinik.

### Ikayuutinik Pitquhimayut:

Ikayuqtuiniqmik Pitquhimayut taiyauvaktuttauq aulapkinikkut pitqutjutit. Ikayuqtuiniqkut pitqutjutit apiqhuiyininngaaqtut, angirutiplunilu titiraqhimayumik, pitquhimayuuq akiliqtuiyumik taimaa akiliqhivakluni kiinauyanik qakugunnguraangat ikayuutighat nutaqqanut aippaqnutluuniit.

Atauhiq havauhiat Ikayuqtit taimaa akiliqtauyughaq ikayurahuaqhugu akiliqtauniqmik. Taimaa piyaami, taapkua Ikayuqtit havaktiit aallatqiangnik hakuingnilgit kiinauyaqtarahuaqnikkut (aghuurahuaqhugulu) pitquyauhimaguvit. Aghuuqpalliavaktut akiliqtunngitpat taimaalu akiliqtuiyuq atugaqqaqtut.

### Atukkat:

Taapkua atugannguqpaqtut akiliqtuiyuq akiliqhinngitpat ikayuutinik.